

UKA 2015/113: Naalakkersuisut oqartussaaffiit nunatsinnut angerlaassassarineqarsinnaasut ilanngussaq 1-imi allassimasut Namminersorlutik Oqartussat inatsisaani allassimasuni suliassa qarfiit pineqartut pillugit Naalakkersuisut nalunaarusioqqullugit peqquneqarnissaanik Inatsisartuni aalajangiiffigisassatut siunnersuut. Nalunaarusiaq, kingusinnerpaamik UPA2018-imi Inatsisartunut saqqummiunneqartussanngortitassaq, suliassa qarfiit ataasiakkaani tamani tulliuttunik nalunaarsuiffiussapput:

- a. Suliassa qarfiup ingerlanneranut ullumikkut Naalagaaffimmut qanoq akeqarpa, Kalaallit Nunaannullu qanoq akeqassava illersorsinnaasumik suliassa qarfik ingerlatissappagu?**
- b. Suliassat ingerlannissaani piginnaasat suut eqquutsinneqassappat, Kalaallit Nunaanni Namminersorlutik Oqartussat suliassa qarfik ingerlanneqartumik illersorneqarsinnaasumik ingerlatsissaguni?**
- c. Iluqutigineqartussat pitsaanngequtillu suliassa qarfiit ingerlanneqartut angerlaannerini suut kingunerissavai?**
- d. Suliassa qarfiit ingerlanneqartut angerlaannissaanni suliassat piffissami sivikitsup iluani, piffissami akunnattup iluani imaluunniit piffissap sivisuup ingerlanerani sularineqarlutik tulleriissarneqarnissai Naalakkersuisunit ingerlanneqartussaasorivaat?**

pillugu

Inatsisinut Ataatsimiititaliap

ISUMALIUTISSIISSUTAA

Siunnersuutip aappassaaneerneqarnerani saqqummiunneqartoq

Sularinninnermini Inatsisinut Ataatsimiititaliaq ukuninnga inuttaqarpoq:

Inatsisartunut ilaasortaq Anders Olsen, Siumut, Siulittaasoq
 Inatsisartunut ilaasortaq Iddimanggiu Bianco, Inuit Ataqtigiit, Siulittaasup tullia
 Inatsisartunut ilaasortaq Laura Tàunâjik, Siumut
 Inatsisartunut ilaasortaq Múte B Egede, Inuit Ataqtigiit
 Inatsisartunut ilaasortaq Michael Rosing, Demokraatit

Siunnersuut

Suliassa qarfiit	Namminersorneq	Pillugu	Inatsit	malillugu	nunatsinnut
angerlaanneqarsinnaasut	ataasiakkaat	angerlaanneqassappata	qanoq	akeqarnissaat,	

1

UKA 2015/113

LABU j.nr. 01.25.01/15EM-LABU-00113

iluautissartaat iluannequtaallu pillugit kingusinnerpaamik UPA 2018-imut nassuiaasioqullugit Naalakkersuisut siunnersuutikkut peqquneqassapput. Nassuiaatip tamatuma saniatigut Kalaallit Nunaata suliassaqrarfiit pineqartut illersorneqarsinnaasumik ingerlassinnaassappagit piginnaasat suut piumasqaataanersut pillugit qulaajaassaaq. Kiisalu suliassaqrarfiit ataasiakkaat sorliit piffissap sivikitsup iluani, sorliit piffissap akunnattup iluani sorliillu piffissap sivisuup ingerlanerani angerlaanneqartariaqartut Naalakkersuisunit pingaarnersiunikkut nalilerneqarnersut pillugit Naalakkersuisut nassuiaatikkut paasissutissiissapput.

Siunnersuut siullermeerinninnermi partiinit tamanit taamatullu Naalakkersuisunit tapersemaqartoq Inatsisinut Ataatsimiititaliap paasivaa. Taasissutissaq erseqqilluinnartuuvoq paatsooneqarsinnaananilu, sinaakkutitut piffissaliussa q siunnersuutigineqartoq piviusorsioruusunarpoq, aningaasaqarnikkut allaffissornikkullu kingunerisassai siunnersuummut tunngavilersuutikkut naammaginartumik nassuiaatigineqarsorinarput.

Namminersorneq pillugu inatsimmut ilanngussa q suliassaqrarfiit pineqartut ataasiakkaat pillugit nalunaarsukkanik imaqartoq (nalunaarsukkat I aamma nalunaarsukkat II) isumaliutissiissummut uunga ilanngussatut ikkunneqarput. Inatsisartut aalajangiinissaminnut tunngavissaannut tamatuma saniatigut allanik tapiuteqartariaqartungangilaq.

Inatsisinut Ataatsimiititaliap tamakkununga innersuussilluni siullermeerinninnermilu oqaaseqaatit aninneqartut tunngavigalugit, taanna allamik oqaaseqarfiginagu, siunnersuutip akuerineqarnissaa inassutigaa.

Inatsisinut Ataatsimiititaliap inassuteqaataa

Inatsisinut Ataatsimiititaliap isumaqatigiittup siunnersuutip akuersissutigineqarnissaa inassutigaa.

Taamaattorli Inatsisinut Ataatsimiititaliap kaammattuutigissavaa, Naalakkersuisut nassuiaat, tamanna ajornanngippat 2017-imi ukiakkut ataatsimiinnermi siusinnerusukkulluunniit Inatsisartunut saqqummiutissagaat.

Inatsisinut Ataatsimiititaliap taamatut oqaaseqaateqarluni siunnersuut aappassaaniigassanngortippa.

Anders Olsen
Siulittaasoq
Siumut

Iddimanngiiu Bianco
Inuit Ataqaṭigiit

LauraTàunâjik
Siumut

Muté Bourup Egede
Inuit Ataqaṭigiit

Michael Rosing
Demokraatit